

AGENCIJA ZA OSIGURANJE  
U BOSNI I HERCEGOVINI



АГЕНЦИЈА ЗА ОСИГУРАЊЕ  
У БОСНИ И ХЕРЦЕГОВИНИ

INSURANCE AGENCY OF  
BOSNIA AND HERZEGOVINA

**PLAN BORBE PROTIV KORUPCIJE U  
AGENCIJI ZA OSIGURANJE U BOSNI I HERCEGOVINI  
ZA 2022. GODINU**

Sarajevo, april, 2022. godine

Na osnovu člana 61. stav (2) Zakona o upravi (“Službeni glasnik BiH”, broj: 32/02, 102/09 i 72/17), člana 7. i 8. stav (1) Pravilnika o unutrašnjoj organizaciji Agencije za osiguranje u Bosni i Hercegovini br. 01.1-02-1/06. godine od 12.10.2006. i br. 02.3- 02-2-239-1/15 od 05.08.2015. godine, a u skladu sa Smjernicama za strateško planiranje antikorupcionih politika u Bosni i Hercegovini, donesenim od strane Agencije za prevenciju korupcije i koordinaciju borbe protiv korupcije, direktorica Agencije za osiguranje u Bosni i Hercegovine, *donosi*

## **PLAN BORBE PROTIV KORUPCIJE U AGENCIJI ZA OSIGURANJE U BOSNI I HERCEGOVINI ZA 2022. GODINU**

### **I – UVOD**

Agencija za prevenciju korupcije i koordinaciju borbe protiv korupcije je u skladu sa članom 10. i 11. Zakona o Agenciji za prevenciju korupcije i borbu protiv korupcije (“Službeni glasnik BiH”, br. 103/09 i 58/13) kreirala i usvojila Smjernice za strateško planiranje antikorupcionih politika u Bosni i Hercegovini.

Dopisom br. 06-07-4-299-1/21 od 30. juna 2021. godine Agencija za prevenciju korupcije i koordinaciju borbe protiv korupcije je obavijestila institucije Bosne i Hercegovine o neophodnosti izrade plana za borbu protiv korupcije za 2022. godinu na osnovu i u skladu sa navedenim Smjernicama za strateško planiranje antikorupcionih politika u Bosni i Hercegovini.

Na radno-konsultativnom sastanku o izradi planova za borbu protiv korupcije za 2022. godinu koji je održan 12. oktobra 2021. godine u online formatu, predstavnici Agencije za prevenciju korupcije i koordinaciju borbe protiv korupcije su sugerisali da Akcioni plan za prevenciju korupcije za vrijeme trajanja pandemije COVID-19 bude integrisan u plan borbe protiv korupcije za 2022. godinu.

Plan borbe protiv korupcije Agencije za osiguranje u Bosni i Hercegovini za 2022. godinu je pripremljen u skladu sa navedenim dopisom, smjernicama i preporukama Agencije za prevenciju korupcije i koordinaciju borbe protiv korupcije.

“Korupcija (lat. *Corruptus* – potplaćen) ili podmitljivost u pravnom smislu kazneno djelo zlouporabe povjerenja ili dužnosti koju se obnaša u upravi, sudskoj vlasti, gospodarstvu, politici, školstvu, kulturi i umjetnosti te u negospodarskim subjektima ili organizacijama, radi stjecanja materijalne ili nematerijalne koristi na koju nema pravnu osnovu. Korupcija označava potplaćivanje. U političkom pogledu je po definiciji politologa Harolda Dwighta Lasswella povreda općeg interesa zbog osobnog koristoljublja.

Po drugim definicijama se korupcija definira i kao “moralna pokvarenost”.

Srž korupcije sastoji se u tome, da pojedinci ili skupine nekažnjeno krše pravila koja, u pravilu vrijede za sve članove društva. Na taj način postaju konkurentniji na tržištu od onih koji igraju po pravilima. Rezultat je negativna selekcija, tj. narušavanje djelovanja tržišnog mehanizma selekcije po sposobnosti, što vodi do sporijeg gospodarskog napretka i slabljenja države. Korupcija je glavni uzrok propasti civilizacija i država. Kada većina građana shvati, da žive u zajednici gdje neko može raditi što želi, a drugi moraju poštovati pravila, nestaje ljubav prema takvoj zajednici i spremnost za žrtvovanje, te zajednica polako, ali sigurno propada.”<sup>1</sup>

Zakonom o prevenciji korupcije i koordinaciji borbe protiv korupcije (“Službeni glasnik BiH”, br. 103/09 i 58/13), definisana je članom 2. korupcija, kako slijedi: “korupcija označava svaku zloupotrebu moći povjerene javnom službeniku ili licu na političkom položaju na državnom, entitetskom, kantonalnom nivou, nivou Brčko Distrikta Bosne i Hercegovine, gradskom ili općinskom nivou, koja može dovesti do privatne koristi. Korupcija posebno može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, kojima se narušava odgovarajuće obavljanje bilo kakve dužnosti ili ponašanja očekivanih od primaoca mita.”

Korupcija negativno utiče na sve životne tokove, kako ekonomske, tako i društvene i političke.

Za države u tranziciji, kao što je i Bosna i Hercegovina, korupcija je posebno opasna, jer se pravni i politički mehanizmi zloupotrebljavaju. Stoga, Bosna i Hercegovina preduzima izvjesne aktivnosti kako bi se suprotstavila navedenim zloupotrebama.

Potvrđeno je na osnovu relevantnih istraživanja (poput redovnih izvještaja Indeksa percepcije korupcije Transparency International-a) da države sa visokim demokratskim standardima i ekonomski razvijene države imaju nizak stepen zastupljenosti korupcije u svom društvu.

U mišljenju Evropske komisije o zahtjevu BiH za članstvo iz 2019. godine<sup>2</sup> se, između ostalog, navodi: “Bosna i Hercegovina **je u ranoj fazi/dostigla je određeni nivo pripremljenosti u borbi protiv korupcije**. Svi nivoi vlasti pokazuju znakove političke zarobljenosti što direktno utiče na svakodnevni život građana, posebno u oblasti zdravstva, obrazovanja, zapošljavanja i javnih nabavki.”

Kako teži ulasku u Evropsku uniju, Bosna i Hercegovina treba pokazati i odlučnost u preduzimanju konkretnih, sveobuhvatnih i održivih aktivnosti na suprotstavljanju korupcijskim praksama.

<sup>1</sup> <https://hr.wikipedia.org/wiki/Korupcija>

<sup>2</sup> [https://www.dei.gov.badei/direkcija/sektor\\_strategija/Upitnik/misljenje/default.aspx?id=21811&langTag=bs-BA](https://www.dei.gov.badei/direkcija/sektor_strategija/Upitnik/misljenje/default.aspx?id=21811&langTag=bs-BA)

## *Mandat Agencije za osiguranje u Bosni i Hercegovini*

Agencija za osiguranje u Bosni i Hercegovini (u daljnjem tekstu: Agencija) je osnovana Zakonom o Agenciji za osiguranje u Bosni i Hercegovini („Službeni glasnik BiH“, broj 12/04) kao samostalna upravna organizacija koja za svoj rad odgovara Vijeću ministara Bosne i Hercegovine.

Nadležnosti Agencije su:

- jedinstvena primjena zakona o osiguranju između entiteta;
- nesmetana i djelotvorna saradnja između agencija za nadzor osiguranja u Federaciji Bosne i Hercegovine i Republici Srpskoj;
- osiguranje primjene i tumačenja entitetskih zakona na pravičnoj i jedinstvenoj osnovi;
- usaglašenost zakonodavstva u osiguranju koje je na snazi u entitetima u cilju da se osigura jednak i ravnopravan odnos prema svim društvima za osiguranje u oba entiteta i Brčko Distriktu Bosne i Hercegovine (u daljem tekstu: Brčko Distrikt);
- osiguranje jednake pravne zaštite kako za ugovarače osiguranja, tako i za treću stranu - **podnosiocce odštetnih zahtjeva na teritoriji Bosne i Hercegovine;**
- osiguranje usaglašenosti zakonodavstva o osiguranju u Bosni i Hercegovini sa zakonodavstvom Evropske unije;
- koordinirano predstavljanje i zastupanje Bosne i Hercegovine u organizacijama koje se bave osiguranjem na međunarodnom nivou, kao i kontinuirana saradnja sa istim;
- kontinuirana saradnja s agencijama za nadzor osiguranja entiteta i Brčko Distrikta, rješavanje sporova između agencija za nadzor osiguranja u pogledu jedinstvenog tumačenja i primjene zakonodavstva o osiguranju na nivou entiteta i Brčko Distrikta i izdavanje pismenih odluka i mišljenja kojima se osigurava jedinstvena primjena zakonodavstva o osiguranju;
- osiguravanje i vođenje svih relevantnih podataka o cjelokupnom tržištu osiguranja u Bosni i Hercegovini;
- podnošenje nacrtu odnosno prijedloga zakona entitetskim ministarstvima finansija za primjenu zakonodavstva Evropske unije ili smjernica za usklađivanje entitetskih zakonodavstava;
- podnošenje prijedloga entitetskim ministarstvima finansija za izmjene i dopune postojećih entitetskih zakonodavstava u oblasti osiguranja, uključujući prijedloge za druge vrste osiguranja;
- davanje saglasnosti za izmjene i dopune entitetskih zakonodavstava o osiguranju koje su predložene od jednog ili oba entiteta;
- međunarodni odnosi Bosne i Hercegovine u oblasti osiguranja;
- poslovi davanja svih podataka koje može zahtijevati Evropska unija u vezi sa praksom osiguranja u Bosni i Hercegovini u cilju procjenjivanja harmonizacije zakonodavstva Bosne i Hercegovine sa standardima Evropske unije;
- uređivanje pitanja koja se odnose na bilo kakvo osiguranje izvoznih kredita koje se nudi izvoznicima osnovanim u Bosni i Hercegovini;

- predstavljanje Bosne i Hercegovine u pogledu osnivanja podružnica ili supsidijarnih društava osiguravajućih društava ili posrednika osnovanih u bilo kojem entitetu ili Brčko Distriktu i u trećim zemljama, uz preporuku odgovarajuće entitetske agencije za nadzor osiguranja;
- koordinacija i saradnja između odgovarajuće entitetske agencije za nadzor osiguranja i odgovarajuće agencije za nadzor osiguranja u trećoj zemlji;
- zaključivanje ugovora o saradnji za razmjenu podataka s nadležnim organima drugih zemalja, uz saradnju s entitetskim agencijama za nadzor osiguranja;
- saradnja s entitetskom agencijom za nadzor osiguranja u svim slučajevima kada to zahtijeva agencija za nadzor osiguranja druge zemlje;
- ovjera potvrde o margini solventnosti izdatoj za upotrebu u trećoj zemlji, od bilo koje agencije za nadzor osiguranja, za bilo koje društvo za osiguranje osnovano u Bosni i Hercegovini koje namjerava osnovati podružnicu u trećoj zemlji;
- prosljeđivanje podataka entitetskim agencijama za nadzor osiguranja u pogledu međunarodne prakse osiguranja, međunarodne statistike osiguranja i drugih podataka dobijenih kroz učesće na međunarodnim forumima osiguranja, a koji mogu biti od pomoći agencijama za nadzor osiguranja u obavljanju njihovih funkcija;
- praćenje rada Biroa zelene karte u Bosni i Hercegovini u skladu sa zakonima i propisima koji se primjenjuju na aktivnosti Biroa zelene karte u Bosni i Hercegovini, a u vezi sa ispunjavanjem zahtjeva Vijeća Biroa;
- vođenje statistike u pogledu poslovanja tržišta osiguranja u Bosni i Hercegovini;
- podnošenje statističkih izvještaja, u ime Bosne i Hercegovine, Evropskoj komisiji ili bilo kojem drugom međunarodnom tijelu koje dostavi zahtjev za dobijanje dostupnih podataka.

Unutrašnja organizacija i podjela poslova u Agenciji je propisana Pravilnikom o unutrašnjoj organizaciji Agencije za osiguranje u Bosni i Hercegovini br. 01.1-02-1/06 od 12.10.2006. godine i br. 02.3-02-2-239-1/15 od 05.08.2015. godine. Poslovi se obavljaju u okviru sljedećih samostalnih unutrašnjih organizacionih jedinica Odjeljenja za pravne i administrativno-tehničke poslove i Odjeljenja za međunarodnu saradnju, finanjije, statistiku i aktuarstvo.

U ovom Planu u obzir je uzeta i rodna perspektiva korupcije, te gramatička terminologija korišćenja muškog ili ženskog spola podrazumijeva uključivanje oba spola.

## **II – ZAKONODAVNI OKVIR U BORBI PROTIV KORUPCIJE**

Građansko-pravna konvencija o korupciji Strazbur, 04.11.1999. godine

Zakonodavni okvir u borbi protiv korupcije čine:

### Domaći pravni akti<sup>3</sup>

- Krivični zakon Bosne i Hercegovine (“Službeni glasnik BiH”, br. 3/03, 32/03, 37/03, 54/04, 61/04, 30/05, 53/06, 55/06, 8/10, 47/14, 22/15, 40/15, 35/18 i 46/21), koji u glavi XIX propisuje sljedeća krivična djela korupcije i krivična djela protiv službene i druge odgovorne dužnosti:
  - Primanje poklona i drugih oblika koristi (član 217.);
  - Davanje poklona i drugih oblika koristi (član 218.);
  - Primanje nagrade ili drugog oblika koristi za trgovinu uticajem (član 219.);
  - Davanje nagrade ili drugog oblika koristi za trgovinu uticajem (član 219a.);
  - Zloupotreba položaja ili ovlaštenja (član 220.);
  - Pronevjera u službi (član 221.);
  - Prevara u službi (član 222.);
  - Posluga u službi (član 223.);
  - Nesavjestan rad u službi (član 224.);
  - Krivotvorenje službene isprave (član 226.);
  - Protivzakonita naplata i isplata (član 227.);
  - Protivzakonito oslobođenje lica lišenog slobode (član 228.);
  - Protivzakonito prisvajanje stvari pri pretresanju ili izvršenju (član 229.)
- Zakon o Agenciji za prevenciju korupcije i koordinaciji borbe protiv korupcije;
- Zakon o zaštiti lica koja prijavljuju korupciju u institucijama Bosne i Hercegovine (“Službeni glasnik BiH”, broj 100/13);
- Izborni Zakon Bosne i Hercegovine (“Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05, 77/05, 11/06, 24/06, 33/08, 37/08, 32/10, 18/13, 7/14, 31/16, 41/20);
- Zakon o krivičnom postupku (“Službeni glasnik BiH”, br. 3/03, 32/03, 36/03, 26/04, 63/04, 13/05, 48/05, 46/06, 29/07, 53/07, 76/07, 15/08, 58/08, 12/09, 16/09, 93/09, 72/13 i 65/18);
- Zakon o programu zaštite svjedoka u Bosni i Hercegovini (“Službeni glasnik BiH”, broj 36/14);
- Zakon o sukobu interesa u institucijama vlasti Bosne i Hercegovine (“Službeni glasnik BiH”, br. 13/02, 16/02, 14/03, 12/04, 63/08, 18/12, 87/13 i 41/16);
- Zakon o finansiranju političkih stranaka (“Službeni glasnik BiH”, br. 95/12 i 41/16);
- Zakon o upravi (“Službeni glasnik BiH”, br. 32/02, 102/09 i 72/17);
- Zakon o upravnom postupku (“Službeni glasnik BiH”, br. 29/02, 12/04, 88/07, 93/09, 41/13 i 53/16);
- Zakon o upravnim sporovima Bosne i Hercegovine (“Službeni glasnik BiH”, br. 19/02, 88/07, 83/08 i 74/10);
- Zakon o državnoj službi u institucijama Bosne i Hercegovine („Službeni glasnik BiH”, br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12 i 93/17);
- Zakon o radu u institucijama Bosne i Hercegovine („Službeni glasnik BiH“, br. 26/04, 07/05, 48/05, 60/10, 32/13 i 93/17);
- Zakon o reviziji institucija Bosne i Hercegovine (“Službeni glasnik BiH”, broj 12/06);
- Zakon o internoj reviziji u institucijama Bosne i Hercegovine („Službeni glasnik BiH“, br. 27/08 i 32/12);
- Zakon o slobodi pristupa informacijama („Službeni glasnik BiH“, br. 28/00, 45/06, 102/09, 62/11, 100/13);

<sup>3</sup> Zakoni na nivou Bosne i Hercegovine

- Zakon o javnim nabavkama (“Službeni glasnik BiH”, broj 39/14);
- Zakon o sprečavanju pranja novca i finansiranja terorističkih aktivnosti („Službeni glasnik BiH“, br. 47/14 i 67/16);
- Zakon o zaštiti svjedoka pod prijetnjom i ugroženih svjedoka („Službeni glasnik BiH“, br. 21/03, 61/04 i 55/05);
- Zakon o međunarodnoj pravnoj pomoći u krivičnim stvarima („Službeni glasnik BiH“, br. 53/09 i 58/13) i
- Zakon o policijskim službenicima Bosne i Hercegovine („Službeni glasnik BiH“, br. 27/04 i 63/04, 5/06, 58/06, 15/08, 63/08, 35/09 i 7/12).

### **III STRATEŠKI OKVIR U BORBI PROTIV KORUPCIJE**

Agencija za prevenciju korupcije i koordinaciju borbe protiv korupcije je na osnovu člana 11. Zakona o Agenciji za prevenciju korupcije i koordinaciji borbe protiv korupcije i zaključaka koji su proizašli iz Prvog kvartalnog koordinacionog sastanka predstavnika tijela za sprječavanje korupcije u Bosni i Hercegovini kreirala i usvojila Smjernice za strateško planiranje antikorupcionih politika u Bosni i Hercegovini. Ove smjernice su Agenciji dostavljene dopisom Agencije za prevenciju korupcije i koordinaciju borbe protiv korupcije br. 06-07-4-299-1/21 od 30. juna 2021. godine i predstavljaju osnov za izradu ovog plana borbe protiv korupcije.

Vijeće ministara Bosne i Hercegovine još nije usvojilo Strategiju za borbu protiv korupcije 2020. - 2024. i Akcioni plan za njeno provođenje, dok su Strategija za borbu protiv korupcije 2015. – 2019. i Akcioni plan za provođenje Strategije za borbu protiv korupcije 2015. – 2019. prestali važiti.

### **IV MEĐUNARODNI DOKUMENTI U OBLASTI BORBE PROTIV KORUPCIJE<sup>4</sup>**

- Građansko pravna konvencija o korupciji, Strazbur, 04.11.1999. godine;
- Helsinška deklaracija, VII Godišnja profesionalna konferencija tijela za kontrolu rada policije i antikorupcijskih organa država članica EU HELSINKI, 12. – 14. decembar 2007.;
- Komitet ministara zemljama članicama o zajedničkim pravilima protiv korupcije u finansiranju političkih partija i izbornih kampanja, usvojeno od strane komiteta ministara 8. aprila 2003. godine na 835. sastanku zamjenika ministara;
- Dodatni protokol na Krivično-pravnu konvenciju o korupciji, sačinjeno u Strazburu 15. maja 2003. godine;
- Deset principa za unapređenje borbe protiv korupcije i organizovanog kriminala u zemljama koje pristupaju EU, zemljama kandidatima i trećim zemljama;
- Rezolucija (97) 24 o dvadeset vodećih principa u borbi protiv korupcije, usvojeni od strane Komiteta ministara 6. novembra 1997. godine na 101. zasjedanju Komiteta ministara;

<sup>4</sup> Preuzeto sa zvanične web stranice Agencije za prevenciju korupcije i koordinaciju borbe protiv korupcije.

- Oradea deklaracija, Rumunija, 17.-19. novembar 2010. godine;
- Deklaracija o 10 zajedničkih mjera za suzbijanje korupcije u Jugoistočnoj Evropi, 12. maj 2005. godine, Brisel;
- Makao deklaracija, donijeta na Četvrtoj godišnjoj konferenciji i generalnom sastanku Međunarodne asocijacije antikorupcijskih organa, Makao, 2.-5. novembra 2010. godine;
- Krivično pravna konvencija o korupciji, donijeta od strane Vijeća Evrope 27.01.1999. godine;
- Konvencija Ujedinjenih nacija protiv korupcije iz 2003. godine (tzv. Merida konvencija).

## V PRAĆENJE SPROVOĐENJA PLANA BORBE PROTIV KORUPCIJE

Plan borbe protiv korupcije sadrži set aktivnosti koje za cilj imaju prevenciju i unaprjeđenje sistema za borbu protiv korupcije u Agenciji. Za realizaciju aktivnosti određene su samostalne unutrašnje organizacione jedinice Agencije. Utvrđeni su rokovi, indikatori uspješnosti i resursi za realizaciju ovih mjera.

Praćenje provođenja aktivnosti predviđenih Planom borbe protiv korupcije će se odvijati putem izvještavanja Agencije za prevenciju korupcije i koordinaciju borbe protiv korupcije.

## VI TABELARNI PREGLED AKTIVNOSTI ZA SPROVOĐENJE PLANA BORBE PROTIV KORUPCIJE

Aktivnosti za sprovođenje Plana borbe protiv korupcije				
Broj	Aktivnost	Provodioci	Rok za sprovođenje	Indikatori uspješnosti
1.	Planirati i trošiti javna sredstva u skladu sa propisima, te blagovremeno objavljivati informacije, dokumente i izvještaje o trošenju ovih sredstava na internet stranici Agencije	Odjeljenje za pravne i administrativno-tehničke poslove i Odjeljenje za međunarodnu saradnju, finansije, statistiku i aktuarstvo	Kontinuirano	Dostupnost informacija, dokumenata i izvještaja na internet stranici Agencije
2.	Provoditi interne mjere s ciljem jačanja odgovornosti i racionalnosti u planiranju i trošenju javnih sredstava	Odjeljenje za pravne i administrativno-tehničke poslove i Odjeljenje za međunarodnu	Kontinuirano	Pozitivni revizorski nalazi. Preporuke su provedene.

		saradnju, finansije, statistiku i aktuarstvo		
3.	Informisati građane i javnost o radu Agencije za osiguranje u Bosni i Hercegovini	Odjeljenje za pravne i administrativno-tehničke poslove i Odjeljenje za međunarodnu saradnju, finansije, statistiku i aktuarstvo	Kontinuirano	Informacije o radu Agencije su blagovremeno dostupni javnosti
4.	Objaviti i blagovremeno ažurirati dokumente i informacije u skladu sa Politikom i Standardima proaktivne transparentnosti	Odjeljenje za pravne i administrativno-tehničke poslove i Odjeljenje za međunarodnu saradnju, finansije, statistiku i aktuarstvo	Kontinuirano	Dokumenti i informacije su blagovremeno dostupni na internet stranici Agencije
5.	Pripremiti i usvojiti Plan integriteta Agencije za osiguranje u Bosni i Hercegovini	Odjeljenje za pravne i administrativno-tehničke poslove i Odjeljenje za međunarodnu saradnju, finansije, statistiku i aktuarstvo	Novembar 2023.	Plan integriteta usvojen i objavljen na internet stranici
6.	Pratiti i evidentirati interne prijave korupcije i prijave drugih nepravilnosti u Agenciji za osiguranje u Bosni i Hercegovini	Odjeljenje za pravne i administrativno-tehničke poslove i Odjeljenje za međunarodnu saradnju, finansije, statistiku i aktuarstvo	Kontinuirano	Dostupnost podataka o prijavama korupcije i drugih nepravilnosti i u Agenciji
7.	Izvijestiti Agenciju za prevenciju korupcije i koordinaciju borbe protiv korupcije o sprovođenju Plana borbe protiv korupcije u Agenciji za osiguranje u Bosni i Hercegovini	Odjeljenje za pravne i administrativno-tehničke poslove i Odjeljenje za međunarodnu saradnju, finansije, statistiku i aktuarstvo	Jednom godišnje	Podaci i informacije su blagovremeno dostavljeni Agenciji

<b>Aktivnosti za prevenciju korupcije za vrijeme trajanja pandemije "COVID-19"</b>		
<b>Nadzor i kontrola procesa zapošljavanja u institucijama BiH</b>		
<i>Aktivnost</i>	<i>Nosilac aktivnosti</i>	<i>Vremenski okvir</i>
Vršiti kontrolu i nadzor privremenog i vanrednog zapošljavanja za vrijeme pandemije COVID-19	Odjeljenje za pravne i administrativno-tehničke poslove	Kontinuirano za vrijeme trajanja pandemije COVID-19
<b>Praćenje i kontrola procesa javnih nabavki</b>		
<i>Aktivnost</i>	<i>Nosilac aktivnosti</i>	<i>Vremenski okvir</i>
Transparentno objavljivati provedene javne nabavke za vrijeme pandemije COVID-19	Odjeljenje za pravne i administrativno-tehničke poslove i Odjeljenje za međunarodnu saradnju, finansije, statistiku i aktuarstvo	Kontinuirano za vrijeme trajanja pandemije COVID-19
Pratiti provedene postupke javnih nabavki za vrijeme pandemije COVID-19	Odjeljenje za pravne i administrativno-tehničke poslove i Odjeljenje za međunarodnu saradnju, finansije, statistiku i aktuarstvo	Kontinuirano za vrijeme trajanja pandemije COVID-19
Prikupljati podatke i objavljivati informacije u vezi sa postupcima javnih nabavki i dodijeljenim ugovorima o javnim nabavkama za vrijeme pandemije COVID-19	Odjeljenje za pravne i administrativno-tehničke poslove i Odjeljenje za međunarodnu saradnju, finansije, statistiku i aktuarstvo	Kontinuirano za vrijeme trajanja pandemije COVID-19
<b>Koordinacija antikorupcionih aktivnosti za vrijeme pandemije COVID-19</b>		
<i>Aktivnost</i>	<i>Nosilac aktivnosti</i>	<i>Vremenski okvir</i>
Redovno informisanje, razmjena podataka i iskustava zasnovanih na sprovođenju "Akcionog plana za prevenciju korupcije institucija BiH za vrijeme trajanja pandemije COVID-19" između institucija BiH i APIK-a	Odjeljenje za pravne i administrativno-tehničke poslove i Odjeljenje za međunarodnu saradnju, finansije, statistiku i aktuarstvo	Kontinuirano za vrijeme trajanja pandemije COVID-19

Broj: 02-52-160-10/21

Datum: 27.04.2022.



DIREKTORICA

*Emina Jahić*  
Emina Jahić